

欽定石渠寶笈三編

欽定石渠寶笈三編

避暑山莊藏八

本朝臣工書畫

張若澄畫塞山二十四景

二冊

張若澄畫塞花二十四種

二冊

張若澄興安嶺圖

一軸

梁國治書

高宗純皇帝御製月令七十二候詩

一冊

劉星煒書熱河賦

一冊

朱珪書

高宗純皇帝御製熱河考

一冊

謝墉書

高宗純皇帝御製熱河志序

一冊

紀昀書

高宗純皇帝御製平定臺灣告成熱河

文廟碑文

一冊

王杰書

高宗純皇帝御製觀瀑亭紀實記

一冊

王杰書

高宗純皇帝御製重訂熱河考跋

一冊

董誥書

高宗純皇帝御製山莊詠荷詩

一冊

董誥書

高宗純皇帝御製熱河文園獅子林圖詩并圖

一卷

汪承霈畫柏樹 一軸

汪承霈畫山水 一軸

關槐畫上塞錦林 一軸

關槐畫霜林秋色 一軸

張宗蒼畫千尺雪 一卷

張宗蒼畫溪橋策杖 一軸

張宗蒼畫山水 一軸

張宗蒼畫山水 一軸

金廷標負擔圖

一軸

金廷標秋山行旅圖

一軸

方琮畫秋山行旅

一軸

謝遂職貢圖

四卷

無名氏畫獵犬

一冊

集錦書畫

謹依總目以
冊卷為次序

梁詩正蔣溥唱和塞外賡歌詩

一冊

于敏中書

高宗純皇帝御製避暑山莊三十六景詩方琮繪圖

一冊

唐寅採蓮圖文彭書採蓮曲項元汴畫小景

一卷

張若澄畫塞山二十四景 二冊

本幅紙本二冊每冊十二對幅皆縱七寸四分橫六寸二分左幅水墨畫塞山二十四景每冊末幅款臣張若澄敬寫鈐印二若澄右幅空

鑒藏寶璽

全五璽

寶笈三編

[illegible]

張若澄畫塞花二十四種


二冊

本幅紙本二冊。每冊十二對幅。皆縱七寸四分。橫六寸二分。左幅水墨畫塞花二十四種。每冊末幅款。臣張若澄敬寫。鈐印二。若澄。右幅空。

鑒藏寶璽

全五璽

寶笈三編



張若澄興安嶺圖 一軸

本幅紙本。縱五尺五寸。橫二尺八寸。設色畫興安嶺山勢。岵岵線路。縈紆巖頂有

行營一座。款臣張若澄敬寫。鈐印二。臣若澄揮毫。
上方楷書

高宗純皇帝御製詩。

隆崇乎興安之高高極天。蔽虧陰陽。日月不得擅其照。變幻寒暑造化不能操其權。溺愛少男或驕

縱人情有之。昊乾胡獨不然。豐隆列缺供使令。屏
翳飛廉相後前。元黃欲判猶未判。神邱卓立鬱為
萬物先。邇來三萬六千歲。未許塵世知津源。腐儒
耳食各享帚。浪傳宗惟泰岱靈。著峨嵋巔。蓬萊三
山只培塿。宜居地仙。豈可方此居天仙。谷蠡荒畧
闕文獻。但詫遊牧謹避。偶過無不膜拜加敬虔。祖
龍立界不敢近。却臨滄海施神鞭。乃知奧宇異凡
世。洞天福地皆虛言。興安之高高極天。西來崑都

崙東接長白山。是為二峯之中氣。如宗承祖嫡。胃
綿千支萬派。分案衍為嵩。為華。相牽連。杭愛在喀爾喀
北之阿爾台在準噶爾之東。舒右臂。索岳爾濟在黑龍江之西。憑左
肩。向背雖殊。條榦同繁。星拱北海。納川特言其小。
數千里。結為靈囿之木蘭。何奇不儲。物不畜。那能
一一徵言詮。雲夢上林。赤縣內。相如揚厲。尚爾摘
鴻篇。使其知此退三舍。故予不復雕蟲焉。

皇祖昔年曾一至。即今

聖蹟蒼巔間。我來獮狩近瞻仰。賢王奔走相周旋。朝
發行營質明到。金風謖謖高秋寒。時為衡嶽之開
雲。晃以朱鳥溫暾暄。時為傳巖之作霖。霏以玉葉
鋪瓊田。瀏蒞卉歛奏萬籟。意謂山中饒管弦。莛虎
聞砢舞衆木。若示羽衛森繽緇。木蘭形勢指諸掌。
南臨按轡一覽全。北顧蒼茫乃無際。邊防久計心
籌旃。興安之高高極天。非我作歌其誰傳。

御製登興安大嶺歌。臣嵇璜敬書。鈐印二。臣璜筆沾。

春雨

軸內鈴

寶璽乾隆御覽之寶

鑒藏寶璽

五璽全

寶笈三編

梁國治書

高宗純皇帝御製月令七十二候詩 一冊

本幅仿金粟牋本。摺裝十八幅。皆縱九寸橫一尺五寸。楷書。

御製月令七十二候詩。有序編詩款臣梁國治奉

勅敬書。鈐印二。臣治。

附錄王亶望奏進宋夏珪畫月令七十二候圖摺。

臣王亶望謹

奏竊臣近偶得宋夏珪畫月令七十二候四冊。每幀有宋周密題識。通體完善。裝潢整齊。臣謹查書畫譜載夏珪字禹玉錢唐人寧宗朝待詔賜金帶筆法蒼老墨汁淋漓院中人畫山水自李唐以下無出其右。又稱周密字公謹齊人寓居吳興善畫得意輒自題其上云云。是冊絹素紙色似係舊物。畫法亦蒼老間。

以質之知畫者云其筆墨頗合宋派結構精神迥非後世所能及似是真蹟第臣細閱畫幅並無款識惟因周密題跋遂相傳以為夏珪臣素未諳繪事昧於鑒別伏覩

御製詩集於名人書畫多有

題詠辨別精微是冊之或真或贗一經

幾餘鑒賞涇渭自可立判臣竊思夏珪距今五百餘年名蹟久韜至是始出物之顯晦因時或有

待於

盛世之表闡。且敬維月令七十二候。載在禮經。著於時憲。列品彙之繁。紀農桑之候。所繫綦重。珪為此圖。似非模山範水者可比。其於

聖主知依授時。劬農課織之至意。庶幾有當萬一用。敢不揣冒昧。隨摺進

呈伏祈

睿鑒

冊內分鈐

寶璽

五福五代堂古稀天子寶。八徵耄念之寶。避暑山莊。
太上皇帝之寶。乾隆御覽之寶。

鑒藏寶璽

全五璽寶笈三編

劉星煒書熱河賦

一冊

本幅紙本。摺裝二十六幅。皆縱四寸二分。橫五寸一分。楷書熱河賦。謹序。臣星煒謹言。臣遐稽前載。青林為天苑。司馬遷八書。紀昂畢為天街。主弋獵。明王者省方表貉。必有置頓之所。以詰戎肆武。古稱梁騶詩詠甫草。其義一揆。然皆近在邇陋。旬畿以外。即既脫置之。豈如我

朝

聖聖相繼。高昌回紇。悉隸司民之版。其視興中舊壤。子姒以來。不載於職方者。特為京師綴旒。

皇上歲以秋七月。猶禽於木蘭。即

離宮而止蹕焉。

慈寧燕譽之歡洽。藩國輯瑞之典行。臣工述職之事。備皇哉帝者之上儀已。臣惟遙昔都會之地。其臣多形為賦頌。鋪張盛軌。然相如賦上林。

地不踰長安尺寸。而盛稱交南流沙。不已惡乎。臣嘗從

屬車。快覩景鑠。今年職當隨扈。緣奉使未與。而心儀上蘭之巨麗。典文之該洽。摘詞以獻。曰。

於廓興樞。包乾度於北陸之中。涉尾厯箕。跨躡漢津。浩乎䟽通之維。鴻濛焉莽。賈焉實為。與區皇遠。踰關闥。越禁垣。不十舍有奇。殆又近之。是曰密都。達者弗即宅。殆甚有計於員。

祇言卷

叡聖為我獻貽。爾其地勢。則留幹亘其南。臨潢枕其朔。大柳東屹。藂桑西瀾。岩院塞之林林。儋陪京之嶽嶽。盧敖之所跼蹐。豎亥之所揚榘。其山則鬼峯銳上。取象磬鍾。作鎮左方。玉以振之。觚稜閎景。若華銜暉。翼以金黑。纚連牙峙。元醫侔色。浮玉庾理。應真結跏而敷坐。毘盧我冠而聳翠。天橋獅子。雲蹲波詭。蜀或一拳。

繹則五指石梁千仞。

蹕路所經。爰躋堯嶺。軼於廣仁。昔也棧斲。今也砥
平。亦有鄂博。莫之敢指。量幣揭虔。方望所視。
其餘七金千佛之嵯峨。我偏槍德勝之隱嶙。垂
螺丸之窰窰。茁芝房之菌蠢。為宮為霍。連蹠
而獻狀者。非摩醯算固所能盡。水則溫泉。溢
勃生丹沙。導源墨里。蒸溜熱河。經礪基。厯
周阿。流湯湯。浮我我。翼鵠鵠。介麤螺。剥菱芡。

攢蔣莎。宣靈液。滋醇和。又有伊遜九派。沆泉
盈缶。用配於京。斟以銀斗。康王揚子。揣稱非
偶。攷水志於酈亭。醴灤河之分道。紛武列與
索頭。羌同源而殊號。白狼參柳。鮑邱丹花。玉
瀑飛流。教漢所家。曰孟廣礪。霧靈下蟠。叶行
地則伏。遇坎成科。侈博頻之衍。斥滄川氣之
流。氤鬢羊腸之詰屈。鬱龍湫之濕濊。埒神委
於通瀆。方河濁而涉清。其植物則耽耽元蔭。

蒼官五鬣。或為杉身。廩秋脫葉。人楓仙檜。徐
榆鱗接。桑牙蘆筐。柘枝捃拾。匹以樽櫪。蠶功
用給。鵲樺則烏號之用。椶櫚則魚網之設。芙
蕖暑艷。落英晚芳。移桂皋塗。藝蘭澧湘。灼金
蓮花。產自清涼。與北天竺。同皈佛香。秋英九
種。粉本徐黃。蔓青寒蔬。草荔菓房。巨如棗實。
綠則瓜瓢。舉一彙百。縷覲斟詳。若夫答選巴
欒。普盤櫻額。烏沙爾器。奇石蜜食。雖嵇含之

與行張華之該洽。叶曾數典而如寐。矧拘方
於遠蹠。其動物則剛蟲彳阜。醢駟服阜。盤羊
封牛。貌狸栗校。犢特谷量。斲縱莖擾。龜鼈紫
英。飛狐皛皛。有堪達罕。其角斯趙。叶鞞材孔
良。象齒非寶。羽類則鶴。子南飛雁。王北向候
燕。春鵝元鷹。秋鷂晨鳧。瓦雀翡翠異狀。野鷄
火鷄。修紳員吭。徵瑞紀於鵠鳩。尉候撤其亭
障。鱗則濡河之鯽。芼以山膚。曰箸漢鮮。狀似

松江之鱸。柘綠柳根。潑刺乎清渠。食經是殫。
實繁有徒。繫惟演天。振絛地絡。苞歲貊。緋白
沃剌。令支。昭昧谷。纓九野之飛。征鏡萬靈之
旁魄。昔陶唐氏。有此冀方。遂克經蒙。穀委羽
而疆。以戎索。禹相九土。窮髮爰宅。賊重趄而
弗之遺。神皋於大莫。繫白檀與柳城。惺地志
之躊駭。搯烏桓於文間。揜鮮卑為蕃落。降自
元魏。甘松荒度。中京肇於耶律。厯金元而式

廓慨勝朝之迫脅。造草昧而慝作。委三衛於
鳴鏑。曾挈瓶之弗若。天佑

世祖。鋤橈槍。掃荒屯。襲嶮介。考廣輪。屆淳碣。駐盧城。
俯八紘。協四巡。用授我

仁皇。遂闢靈囿而恢景員。夫何擊繇野為堂。皇兮吞
庠池。嘔夷而罔有芥蒂也。掛天弓於納哈里
之崆峒。嶠嶠兮飛鏃飲羽而軼其背也。準紫
宮而營室兮。標景六六而未有艾也。歲

辛上蘭閨如是燭。詐馬頭驚犀毗寶匱。完離名玉。將
穎排籤。絲續組文。鮑菡養恬。坵租場租。資與
丁男。關不譏征。農貰貨泉。規北垠。納不周之
風者六十有一年。維時

文孫之繼

聖已司契乎

昊乾遂乃闢松館為東序而毓德焉

憲考勤恁省方匪暇洪惟我

皇亭育函夏。稽虞歲。北周雅憲。崑陬。辨方野。俊
靈衣之月。出。睽。

神御之式。憑。度九筵於

重屋。時窳堵而按層。單孺垣之潔。祕。趙簷額於紀

思。言奉

慈。豫。非雕非斲。六饒。旨羞九韶。郁穆山齋。靜聽松吟

鶴。啄於前。則堯闕登閣。麗正當陽。德滙碧峯

高門有閤。金蜩助分。濟濟朝堂。虎威章溝。徼

道周防澹泊敬誠制。梅未央。迺。

御勤政萬幾弗康。然夜亮之貞木。朱丹炳乎報章。左。

則隄沙潭之宛宛兮。捷石林以相屬。構清舒。

靜好之閭閻兮。架樂成之飛閣。叶澄湖穿縹。

垣而東注兮。聳紫英之綠縵。艤三洲之象方。

蓬兮。彙星源於巖瀑。寶坊揭其業業兮。長虹。

宛而電燭。右則莪九雉之坦蕩兮。黃綠入於。

西峪。松榛梨樹。萃萼以被岡兮。堂秀起而創。

得。叶。演。玉。岑。之。精。舍。兮。滄。浪。翼。然。而。懸。出。叶。
於。後。鉞。石。壁。之。替。岑。兮。罨。樊。相。於。畫。幅。兀。孤。
亭。之。凌。太。虛。兮。枕。雙。高。之。丫。角。內。則。屠。蘇。與。
突。青。瑣。對。廊。山。心。水。心。蘋。香。藕。香。籠。嵐。氣。於。
疎。寮。納。雲。容。於。紀。堂。宦。光。寒。山。雪。屢。移。維。摩。
朝。川。圖。莫。詳。別。有。編。金。布。埭。萬。樹。之。西。二。廐。
八。坊。考。牧。於。斯。畫。舫。青。雀。沙。棠。改。為。秋。宵。泛。
月。

安。鱸。似。之。若。夫。檀。林。驚。雲。魚。鯨。互。答。普。寧。安。遠。周。廊。
八。八。摩。耶。都。網。仿。固。爾。扎。員。渠。降。人。隨。瞻。步。
踏。曉。屏。函。之。七。屬。警。

神。武。而。不。殺。復。有。清。都。太。微。列。仙。之。庭。桂。棟。蘭。橈。用。
酌。湖。靈。斯。固。鏤。截。薛。而。架。尸。順。淳。泓。而。為。壑。
較。

蒿。宮。為。已。倍。視。青。陽。總。章。而。猶。樸。

皇。帝。乃。順。金。行。之。曄。斂。乘。萬。物。之。權。輿。屬。方。神。敷。林。

虞樹元戈。張唐弧載鳴鳶。駟駒駟。揭旌夏建。
祀姑簡皇僚。選烝徒。蕤綏離序。轆轤輻盧。鳥
鳴秋。雨洗車。祥風彗塵。華黍載塗。首頓順州。
爰止庠奚載。

見畺吏。民言是咨。戕戕古北。夷庚天路。堯閭洞啟。屯
營密布。番番禁旅。班文孔武。翹關拚射。十千
其侶。朱提忭戴。清醪酣滑。爾乃厯鵬窠之峻
嶮。韞鞍匠之豐彤。越上陞之劣削。梁墨蚪之

塘嶠鷄訾黃於墜道。盤十八而不可窮。維時
鈞者鰥得大祿岑陬之君。鄂畚槎而蘇對沙
邨之臣。衣膳眊冠哈邦。鑲耳臬瞶。左言孔殷。
乍佗蹙而發猥。旋顛顛而躋仁。蜷區陬而蛾
伏。咸擁篲而掃塵。景十華兮如日。賊六提兮
如雲。

皇帝止輦。此焉清暑。迓

金根於詰旦。道湯山兮是取。冀止頓之少紓。慶

慈寧之多念

璇闥靚深而攸茅喜婪熱之退舍

叶

申命大寮班見羣吏求賢審官厥庸孔肆

申命藩衛慎簡介士廣場并夾羣力是試

申命納言閤郵無滯銀毫批答中宵七起

叶

然猶矢

遊歌於有卷俄千詩而百賦遑遑八伯技窮

於賡載二王腕脫於毫素矣仲秋之月觴觴

旦中老人見於弧南占曰壽昌萬寶屢豐裨

王大長賀

聖節者重九譯而道通先期決日

詔駕行啟龍樓陳曼延集佝僂舞折盤嘈歛謳騰躩
踞蟠蚴蜥翩躚躚鳴秋秋千品授饗八珍和
羞尚方賚其珂玳瀛海溢其觥籌逮旬有三
日○夜未啟明○

皇帝羣玉輅於東廂企

葆鸞鳴儀鎧肅拜頡裕

壽康。然後設九賓。

御行殿。張赤帟。我會弁。郎將侍。司儀辨。繁露垂。綰後
絢鞮鞻。任侏。執其壤。奠地萬以二。數猶有羨。
爾乃金黼告中。露白葦蒼。龍沙戒寒。雁蹟蚤
霜。伊尼孳尾。撲握脂膚。四十九旗。獻其虎軀。
短衣控弦。為王前驅。迺有二百人。心雄萬
夫。

天子乃戒俞騎。徹亭堠。倚飛雲。綏華覆。

大駕幸乎木蘭。憺威稜而奉辰牡。推夫木蘭之為地也。礎兮駢駢。方兮岌岌。潏兮薺薺。嵌兮曲曲。徑輪數百。袤廣倍十。曩北庭之坳牧。嗣納土而從獵。樹柳條於四隅。扼厓口於一髮。叶伊縣遵會極之義。巴顏麥富秋之獲。興安大嶺。嵩華旅揖。僧機雙松。夷齊卓立。色勒朱蘭。河源是翕。龍堆象長城之蜿蜒。蟬實非羸劉之郭。郭爾乃赳赳。飮飛向晨陟峻。箕張翼舒。鸞飛。

皇御鞬橐。千官景從。乍舉旗而弊旗。賊二甄之雅雅。

鶴從和門大張。幔城正中。絡以網絲。綸連鴻
量。建吉爾丹。樹羽童童。有正有鑲。八旗會同。
慮原獸之未集。駐平岡而勒馬。然後毛羣羽
羣。山敦雲移。躡景望塵。別驚分伎。角完羝拖
豪豬。血塵麋。絹漸糊。梏猱援。瓜狸狐。鋌熊羆。
鏃鷗蘇。林麓為蛛蝥。垓埏為周陸。封駝覓於
重載。貳轄隘於專車。則有鷙獸殺蟲。隅睨高

目。歐紆負隅。耽耽逐逐。攘臂晉婦。袒裼鄭叔。
履尾恐啗。戟手氣縮。

天戈一揮。若馬中馥。抱其花神。名鎔草間蛾伏。若夫游

鷗高翬。鳬兔聯袂。臂蒼走黃。出其希間。墜若

雨灑。殭若土委。羣聚而殲旃。至於妙簡期門。

侵星由鹿。衣獺裘之緡。總陟北湫之叢薄。叶

鳴長哨兮。呦呦戴八叉兮。蟲蟲見岱爾。謂古

鹿之竭來。闐然觀其轂棘。倏星杓之命中貫。

左臚而抱木俊味登於

大庖令典重為國俗讀

前後賦之所臚平子太沖猶慙於厮僕爾其喀爾科
爾右賢左賢扈從禽隨于田飫醇釀咸望宣
感

渥恩列肆筵張樂顙天之臺銀宇流晶穹廬蓋天烏
螺翠椀桐乳割鮮只孫式榜土鼓皮絃撲趺
於棋教駢騰翩橦末之技回人擅焉其鵲師

赤迅於飛鳶。遂乃紆華旒。

御行幄。醢羶薌。饜潼酪。却乘黃。茲白珥旄。鬕封之貢。
頌磨麇。雜魑殭。殭綸後之獲。大特左肩。銀鏤
右麓。越穀齊紈。津逮圉牧。而後回車隆隆。振
旅鞬鞬。戈甲繽紛。翫屬而還。凡此者。所以芟
廣甸之灌叢。奉

色養之怡愉。示纘

武之令聞。裕遏戎之遠圖。而非以射中獲多。謂可奮

太武而威逖邇也。山莊密咫。秋省烏可以已哉。且其監司丞倅。府署基置。統軍將弁。扞城列峙。則設官之準於內地也。隄塍相輶。赤壤黃壚。上熟自倍。春穡秋稌。則代田之蔚為上腴也。富中之氓。九市埽鬻。瓊錫組文。影纓駢轂。則財求之達乎四隩也。閭閻櫛比。耕牧永安。則唐魏之戒乎遊盤。沃饒近監。采山擊鮮。則青兗之驚乎魚鹽。不特此也。往者西傾。經

武昂吉款關。四衛務面見於塞垣。遂康戎功。
犁伊犁。獲其大醜於拔達克山。至今達什達
瓦連襪。關關荷戈鋌而為臣僕者。穀騎莫之
或先。則是山莊爽塏。降人是居。宅邑畋田。供
其租銖。藁街之邸。莫能及。朔方之城。無以喻。
又何朱波驃甸之不可夢。箕使之羈。帛驅之
也哉。臣劉星煒跪

進。鈐印二。臣星煒。

鑒藏寶璽

全五璽

寶笈三編

朱珪書

高宗純皇帝御製熱河考

一冊

本幅香牋本。摺裝十二幅。皆縱七寸一分。橫九寸五分。楷書。

御製熱河考

并識。文見續編。識語前已恭載。

後跋

臣伏蒙

頒賜熱河考墨刻一卷。跪讀

御製文兩篇。仰見我

皇上聖學精深。

武功式廓。不獨漢唐宋元以來治地理河渠家言者。不詳不確。且上規禹益之所未宣。而

謨烈益臻備美也。蓋耳食弗逮乎

躬親。實言必衷乎

定論。昭哉信矣。臣按水經濡水從塞外來。東南過遼西。令支縣北。酈注謂其水二源雙引。夾山西

北流連泉水注之。又東北注難河。濡難聲相近。故濡難灤。其實一也。濡水又東南流。武列水入焉。其水三川派合曰三藏川。又東南流。徑列谿。謂之武列水。東南厯石挺下。東合流入濡。夫石挺之為鍾峯。武列之即熱河。其上源自察汗陀羅海。三道匯於山莊。過鍾峯。合溫泉。至鳳凰嶺而南。入於灤。異派同歸。自非聖人躬親目覩。烏能訂酈注東西中三藏錯綜之外。

與舊傳熱河為濡源之誤哉。若夫禹貢導河積石。杜佑蔡沈以龍支之小積石當之。不足辨矣。然所謂大積石在吐谷渾界者。猶重源濬發耳。溯而上之。為蒲昌海。一曰鹽澤。即山海經之渤澤。又溯而西南為于闐之源。又溯而西北為蔥嶺之源。則史記漢書可證也。又溯而西南為星宿海。則元史篤實所求之火敦腦兒。即鄂敦他臘也。今則西域底定。皆入

版圖矣。乃

命使探其真源。得之阿勒坦郭勒。又西溯之於噶達
素齊老。上窮天池。醴金百道。而真源始得。是
正千古之訛。而補禹貢之闕也。豈不偉哉。抑
臣恭繹

熱河考。而思我

皇上觀

前光。

垂後法建

文津之崇閣受

武成於學宮。講事木蘭和會蕃部。有涇舟于邁之
深意焉。恭繹

河源續誌而見我

皇上播聲教。揚威棱。闢二萬餘里之疆土。通三十六
國之書文。寧邇服遠。循名責真。有方行禹跡
之

丕謨馬浩乎淵乎。豈惟徵川流之小德。探根源於崑崙。博文明辨。鉞史研經云爾哉。臣朱珪恭跋敬書。鈐印二。臣珪。

冊內分鈐

寶璽

五福五代堂古稀天子寶。八徵耄念之寶。避暑山莊。信天主人。

太上皇帝之寶。

鑒藏寶璽

全五璽

寶笈三編

謝墉書

高宗純皇帝御製熱河志序

一冊

本幅紙本。摺裝十二幅。皆縱五寸一分。橫六寸一分。隸書。

御製熱河志序

文見續編

後跋

臣聞聖人以天下為一家。以中國為一人者。蓋由於德之休明。無遠弗届。如天之并包九

野運而不息故曰無此疆爾界也

盛朝受

天之祐全付所覆。熱河地居古北口外。自漢唐宋以來。皆為絕險遠不通聲教之地。前史乃遂稱天所以限中外。則未覩夫

大聖人威澤遐宣。光被無外之盛軌也。欽惟

聖祖仁皇帝德心廣運。蒙古四十九旗罔不賓服。每

歲

駕幸避暑山莊。會同有繹。星拱雲從。熱河遂成一大都會。我

皇上繼志述事。增其式廓。平伊犁。靖回部。定金川。綏柔遠人。宴衍蒙古外藩。暨哈薩克。都爾伯特。厄魯特。布魯特。土爾扈特之屬。莫不於此乎仰流鱗集。覲

雲日之光。

命之曰承德府。烝哉

世德作求丕承哉

天之所以啟佑

聖皇。固。夙。超。乎。往。冊。所。紀。者。矣。夫。古。之。所。謂。絕。險。遠。者。

今。則。萬。國。來。同。四。民。樂。業。有。如。戶。聞。之。內。矣。古。之。所。謂。不。通。聲。教。者。

今。則。泮。宮。衿。佩。髦。士。絃。歌。咸。沐。詩。書。之。澤。矣。熟。河。志。之。成。蓋。有。待。於。

大聖人豐功偉烈之既成而成之者也。恭讀

御製序以

皇祖之建山莊。非為一己豫遊。實貽萬世之締構。又
於山川里邑。建置沿革。與夫古蹟人物。而以
為在此不在彼。猗歟

聖謨洋洋。蓋惟其

敬德而不惟其設險。惟其大同而不惟其小康。則雖
關外荒畧之地。而涵濡

大化既與內地無殊每當

鑒輿莅止清暑

頤和

恩膏以降獮狩以行我

皇上萬壽無疆之慶

國家萬年有道之長胥於是乎卜之矣臣謝墉
敬書恭跋鈐印二臣墉敬書

冊內分鈐

寶璽避暑山莊乾隆御覽之寶。

鑒藏寶璽

全五璽

寶笈三編

[illegible]

紀昀書

高宗純皇帝御製平定臺灣告成熱河

文廟碑文 一冊

〔本幅〕紙本。摺裝十四幅。皆縱五寸七分。橫八寸二分。楷書。

御製平定臺灣告成熱河

文廟碑文 文前已恭載

後跋

乾隆五十有三年正月。臺灣平定。梟獍咸俘。
二月捷書至。

闕下六月。

皇上親揮宸翰。勒碑於熱河。

文廟。

特命

宣示臣嵇璜。臣劉墉。臣紀昀。臣彭元瑞。臣寶光。臣
等跪讀之下。仰見我

皇上睿燭幾先。驗如握券。歡抃欽服。莫可名言。咸謂
非常之功。惟

聖人為能成。

聖人之所以成功。亦惟

聖人之文。始能闡發其微奧。又咸謂臺灣一郡。固久
隸版圖。顧隔越滄溟。風濤不測。道路之難。不
減於龍沙。蔥雪也。山深菁密。蹊徑潛通。形勢
之險。亦不減於蠶叢鳥道也。我

皇上神謨密運。坐照萬里。驅策羣力。奏績於三月之
間。此固宜與伊犁回部金川諸

武功同刊石辟雍。昭示無極。今勒績於熱河

文廟是

聖懷之沖挹也。然臣尤私有所慶抃者。伏考前史。古
來幅員之廣。蓋莫過於漢唐元。皆未能樓船
戈甲。越黑水。收赤嵌也。熱河唐以前為塞外
地。遼金元始郡縣之。亦未能崇學校。明裡祀。

使詩書之化蔚然為太學副也。今我

皇上制勝於極南之海澨而銘勲於極北之黷宮。此
自三五以來未有斯舉。較諸受成於學。獻囚
於泮者。寧止度越萬萬。臣何幸而生際

昌期。得與在廷諸臣。鞠脰而頌

茂典哉。臣紀昀拜手稽首敬跋鈐印。二臣昀

冊內分鈐

寶璽

五福五代堂古稀天子寶八徵耄念之寶

古稀天子避暑山莊

太上皇帝之寶

鑒藏寶璽

五璽

寶笈三編

王杰書

高宗純皇帝御製觀瀑亭紀實記一冊

本幅素牋本。摺裝四幅。皆縱六寸。橫七寸九分。楷書。

御製觀瀑亭紀實記

按亭仰對石壁。俯臨溪水。石壁名為湧翠巖。

皇祖御題也。其上三間佛宇。傍有池。瀑水瀉自池。擘石壁而出。飛流落長溪。溪上構亭。觀瀑所以得名。

也。但瀑之源乃出佛宇傍之池。而池中實無泉源。康熙年間。於茲寺西。歷數道谷壑。尋得一山泉。接木板匣為溝渠。沿山邊谷壑。引流至寺池。乃擘石壁而下。則誠飛瀑矣。飛瀑誠真飛瀑乎。以

皇祖聖明。無微弗照。不過藉司工者之巧。為託綴景之虛名而已。其後朕視木板匣為溝渠。置山邊不雅。且每費修飾。因循其上。山徑側果有一小泉。命建一亭。名曰瀑源。

事在己卯年。

鳩工疏山邊為溝渠。越

壑過谷。引流曲折以達於湧翠巖之寺池。則真有
瀑源矣。茲又閱數十年。往來山徑中。覺其泉細而
石罅噴乳竇處。復低於寺側之石池。且越數層谷
壑之遠。無論木石之溝渠。胥不能引細微且遠之
泉。以達寺池。為飛瀑。則所謂飛瀑者。不過人輦置
水滿寺池。使洩而為飛瀑耳。我


皇祖不名之曰聽。而名之曰觀。或亦知其假借而
寓有深意乎。且予命以石溝。易木匣之時。未曾深知

此事而司工之大臣三和必當知此乃隱而不言。以遂朕過。則為君者之過。人臣不敢言以遂其過者多矣。是不大可懼哉。茲命皇帝率御前大臣及司工之人。攜儀器步步測量。乃知泉果低於寺池。且其流細不能引至為飛瀑。而自泉之下至寺池。有山池九疊。疊皆置閘。積雨後山水放流。由沿山邊石溝。以至山寺。則誠真瀑矣。山池在泉下。雨多水漲。亦未嘗不流至池。則命泉為源。庶亦可耳。然

三和終未明言及此也。夫瀑源誠細事。積數十年之久而茲乃得其實。事之久遠。文之委曲。心之操蘊。意之好實惡假。皆不可以不記。序而書之。後之人或有以識吾志也矣。款。臣王杰敬書。鈐印二。

臣王杰

鑒藏寶璽五
寶笈三編



王杰書

高宗純皇帝御製重訂熱河考跋

一冊

本幅素牋本。摺裝三幅。皆縱六寸。橫七寸九分。楷書。

御製重訂熱河考跋。前已恭載款。臣王杰敬書。鈐印二。臣。

王杰。

鑒藏寶璽

全五璽

寶笈三編

董誥書

高宗純皇帝御製山莊詠荷詩 一冊

本幅紙本。摺裝十九幅。皆縱六寸九分。橫八寸八分。楷書。

御製詩

觀荷。癸亥我從御園來。荷花半凋殘。此地乃關外。荷花正新鮮。離宮憩征轡。鏡浦迴遊船。鵝鵲時出沒。遠峯入清瀾。香籟拂我旁。霞錦輝我前。俯朶如欲

訴傾珠學涕洟。仰花似開。靨對客呈笑顏。朔塞多
嚴風。花事應早闌。是荷婀娜姿。詎能全其天。或云
惜芳菲。留與詩人觀。或云開較遲。夏仲方田田。晚
榮亦晚枯。至理然乎然。

荷

丁卯

紅霞剪剪艷。吳紈

開掃新妝鏡。碧瀾漫謂遲。開緣候異。却辭早謝待
人看。風前弄影還依柳。雨裏霏香欲賽蘭。芝徑雲
隄清賞處。

三十六景之一

幾多丰韻鬥秋寒。

荷

已巳

每至

山莊玩晚荷。依然雲錦落澄波。水仙已自工圖畫。

園客無勞艷綺羅。鹿愛香風常飲澗。蛩悲瀉露亂
鳴莎。相看不忍輕攀折。有恨無情韻最多。
荷甲戌

沙浦初凝淨植姿。木蘭停柁賞移時。韻稱遠俗從
教野。芳喜經秋那怨遲。鳥呖葉明珠上下。魚穿莖
綠玉參差。若耶羅綺嬌無力。邈爾含毫引靜思。

荷戊寅每來偏愛荷。猶存雖非三徑實仙源。藏鷗友
鹿秀而野。微露盪風廉。且溫託根常在雲霞表。駐
年八千應覺少。卉中君子誠有之。予方惜此馮唐

老荷已關中房墜粉塞外錦舒芳祇以寒開晚
翻教時耐長恰如君子德緣託

聖人鄉竟谷香風馥含毫意未央荷一首辛御園

荷欲開山莊荷正放沿隄已宜觀而況漾輕舫左
右皆君子居州奚數量松柏擬後凋雲霞豈時尚
幽香拂山籟冷艷照野漲耐時異求人曰惟得之
讓荷壬午幾柄秋荷擢塞灘年年芳色待人看卉
中怪底稱君子頗似巖松耐歲寒荷甲申娟娟點

芳津居然七月春。地高紅染重。露滿綠擎勻。寧止
鳬忘去。還饒鹿欲親。塞中君子者。疑是姓蘇人。

荷。配鏡浦霞衣香未消。品曾元凱侍。

神堯水華陸植如相較。松柏應同耐後凋。荷二首

丙戌芙蓉出水塞垣開。秋浦偏看霞錦裁。十丈誰誠

分玉井。靈根真自教漢聲。來。教漢荷花色鮮。皇祖

時移根於此。御製山莊三十。沐雨翻風總

六景詩。於香遠益清。曾詠其事。絕塵愛曦羞月有良因。遲開傲得秋湖冷。似為聲

新詩特待人。

荷二首

丁亥

綠蓋紅冠塞水濱。風前

雨後越精神。年年不負拈毫約。占得山莊七月春。

清涼境界淨真花。那數南方有若耶。山雨昨朝

野水漲。黃金一片襯紅霞。

荷二首

戊子

每來山館

看荷花。冷艷平鋪水面霞。我亦因之生靜悟。開遲

謝後理無差。

露濃風颯滿清芬。相顧秋英迥出

羣。過雨塞川挾泥下。黃金田地擁紅雲。

詠荷二

首。已紅葩綠葉郁承擎。霞帔瓊裾凌浦行。王母漢

宮七月降。紛隨嘉慶董雙成。不少秋英繞砌裳。

愛看隰有拔羣芳。晚來巖鹿下飲水。亂入雲霞遞

嗅香。

晚荷二首

辛卯

落落蕭蕭開尚仍。挈舟佳會

得閒憑。愛蓮說裏稱君子。不遇後凋未足稱。迴

舟向浦為橈停。詎藉花臺葉嶼寧。今日挾毫有別

趣。綠雲田地點疎星。

荷

壬辰

初來未見一枝花。十

日開成滿浦霞。石火電光迅如此。惜分陰語豈其

差。不塵風度真空色。塞沼明明證淨因。織就錦

章襯天鹿。世間何處可同倫。
詠荷已癸到遲昨歲

盼荷放來早。今年荷却開。
昨歲六月朔至山莊荷尚未開故有初來未見

一枝花十日開成滿浦霞之句。
今來較上年早半

凡而荷已先放物理之不可曉如此殆難強為之

也解底較南暄及北冷。祇欣葉嶼與花臺。
妙質超

塵夏五節。淨香搖籟塞湖濱。
世間何處無君子。却

似相看晤故人。
觀荷有作。
甲午來從御園時池荷

方吐蕊。既至到山莊。荷花滿塞水。
北乃早於南。殊

難窮此理。或亟迎人看。則不可知耳。
然此數日間

彼亦全開矣。是則南北同。其同氣候使。余年十一月

至塞上。鹿已鳴。每值雨雪。衣裘。又二十年。幸木蘭

則鹿哨較遲。雪亦不常有。又二十年。駐山莊。哨鹿

須待九月。此蓋氣候自南而北。暖以漸遷。葉嶼花

或人煙日盛。所致。向作氣候詩。嘗及之。

臺間香遠益清美。因憶濂溪言。何處無君子。荷

二首。其一。一方在水早縈思。旬日山莊始遇之花譜

漫疑鮮伯仲。清高原是出塵姿。凌波乍見試芳

枝。夏季纔開莫怨遲。冷艷饒留八九月。山莊荷花至八九月

尚存。因塞湖內有溫泉之故。而落權衡造物本無

遲開亦宜遲。造物權衡應如是也。

私

荷二首

丙申

去年花遇以季夏今歲看花繞夏

中遲速總因節早晚不同間自有其同風度九

齡特相聲如六郎豈足汙塗諸漫言塞水何有此

君子寧須擇地居荷亥已今歲殊常氣候早塞河

夏五放薰風

山莊荷花率六月始開其五月即開者必因遇閏今歲無閏而開則氣候

早暖之不知八九月之後可尚能留水面紅向八九

故耳月間山莊荷花尚存雖因湖內有溫泉之故究以

開遲則落亦遲此意已見乙未詩注今歲荷既早
尚能存留否也清高風度出塵姿湖泛恒教盪

漿遲繞

膝稱

觴竟永罷。昔年今日不堪思。

荷庚子近歲啟行早。御

苑非荷時。山莊六月春。相逢遲不遲。數里水面芳。

一例弗蔓支。有鹿襲其芬。有魚闢其漪。設以君子

方。曰惟子卿宜。

荷辛丑荷放塞湖訝早期。塞上氣寒往年

率於六月開荷花。然以時憲書氣候而論。十六日小暑以前作五月用。以後作六月用。則仍六月也。

較先旬五看芳蕤。靈臺節候原無舛。仍是常年六

月時。初旭芙蓉散淨香。根盤玉塞特禁涼。宜於

日却弗宜月。

荷見日而開。月而做出梵經。

君子德輝自應

去陽聲。

荷二首

壬寅

近玩居然代遠觀。又看五沃發前灘。

昔年季夏今仲夏。氣候漸移此一端。

往年熱河荷花。於六月始

開。今五月下旬已放。向嘗為氣候詩。有或者

文

人烟接以致點轉旋之句。即此亦見一端。絲縷金體。娘風無薰香氣不妖紅。試看出水淨真

度。書法全標李鎮東。

荷

癸卯今年塞外雨嫌少。荷

亦因之燦發遲。一雨却看旋轉速。碧波紅綻許多

枝不烈之香足淨妍天光湖影共澄鮮由來何

處無君子武列居然遇老蓮明陳洪綬善畫荷

二首甲辰照影偏宜塞水清春光六月正芳榮迴頭

似語去聲湯山者湯山荷花每於速就何如斯晚成

一開旋引百花開今年山莊荷開稍遲蓋綠春

其葉錦繡荷衣稱去聲體裁君子而非內地輩移根

原自教漢平聲來山莊內長虹飲練橋南種教漢荷

內地所產見荷二首乙巳昨宵過雨送

御製避暑山莊詩記

皇祖

輕雷初日芙蓉。詠蕩開。欲去陳言思北斗。歷觀四

壁豈窮哉。納涼荷淨水風微。即景拈毫扇罷揮。

花盛都因葉無恙。向年山莊缺雨。草茁較遲。以致

澤既優。碧草半眠。鹿舍荷食。落君民何異此相依。

荷二首。丙午通閏今年節候遲。塞荷夏季始開池。

適纔陟降由清綺。啟晴齋書屋名兩字傳神此遇之。草

木花皆草木本。水華藕本出波中。藕非木亦非草漫言君

子名無據。七竅根分聖者同。藕皆七竅亦如九頭柑雖間有少一二

辨者而大率皆同。竊亦如之。

荷二首。丁未春光六月正逢時。芳

錦低霞佈滿池。三十娶而四十仕。由來君子不嫌

遲。憶幼齡經讀愛蓮。濂溪義解

聖人前。景光爾日如今日。瞥眼六旬有五年。余十一

讀易書詩三經。古文百餘篇。俱能成誦。時扈從

皇祖來山莊。曾於觀蓮所。命誦愛蓮說。並

陳義解。皇祖深喜之。今余年七十有七。在菴

時光已六十有五年。迴憶仰承恩眷之日。猶

如目前云。荷二首。戊申春杪夏中涼候。永季過月半始

開蓮。如云君子懷之久。不欲速成應故然。楣間

歷歷有題詩。借用於斯紀歲時。亦識七春秋甚速。

符初望否此徯之。

蓮巳酉

六月春光閏五開。不前

惟後恰時哉。

凡閏月望以後屬後月

塞垣設以擬君

子耶律氏其名楚材。

日為高與月為低。

蓮宜日而不宜

月見梵典試之果然如月夕蓮必低垂而初日芙蓉之擬亦言其宜日也

視若不齊乃

大齊。予謂愛蓮者多矣。所同要識在濂溪。

荷庚戌

遲放季逢夏上旬。何妨不速見天真。淨香雅色無

邊際。原是弗孤六月春。

南北何須較所居。隨安

遇節亦昌如。一年一度會君子。擲筆笑予賢或疎。

荷辛亥六月春輸往歲候。雨疎節後兩因之。往歲至山

莊六月初荷花無不開者今歲以五月內雨少速兼之六月初七始交小暑節以此開放少遲

成禁聲平久如相較。秋九猶花何礙遲。花之開早者早謝開遲者

禁久是以往年有自木蘭園回蹕山莊時。膏稀園中荷花尚開放未已。是開遲亦無礙也。

不見琇瑱苑。讀作韞澤渥方欣山隰徵。君子設云

時雨化。今朝所對是顏曾。荷子常年例以六月

見。今歲乃逢五月中。閏四兼過夏至後。節原弗紊。

暢薰風。

開早非因欲速為禁。平長能否待觀之。

向遇山莊荷花開遲之年。於木蘭迴蹕後猶然開。

放。蓋以開遲則禁久也。今歲五月中來此已見有。

花。雖節氣已屆小暑而計日則先廿餘。未知九秋。

出。哨至此尚有餘花可觀否。若仍有與黃菊同舒。

則信乎仙葩之設。如仍共九秋菊。則信仙葩日月。

歲月延長矣。設如仍共九秋菊。則信仙葩日月。

遲。荷。丑。開比去年過兩旬。去年有閏四月。是以。

今歲雖較遲兩旬。然去年五月十日。紅霞觀綠繖從。

八日交小暑。仍屬六月節氣也。紅霞觀綠繖從。

新。其間漫更較遲速。名亦不孤。六月春。教漢平。

藕種。上。早年。攜。湖中別有蓮一種。色鮮。朵大。千辦。

聲。上。早年。攜。湖中別有蓮一種。色鮮。朵大。千辦。

藕種。上。早年。攜。湖中別有蓮一種。色鮮。朵大。千辦。

藕種。上。早年。攜。湖中別有蓮一種。色鮮。朵大。千辦。

藕種。上。早年。攜。湖中別有蓮一種。色鮮。朵大。千辦。

藕種。上。早年。攜。湖中別有蓮一種。色鮮。朵大。千辦。

移植於此。清遠香風帶露淒。君子塞中如問傳。去聲遼金

元史目同迷。

荷二首

甲寅

从草卉中正屬何。芙蕖

菡萏任其多。葩經自是羣芳譜。陳鄭風餘可見麼。

按荷之名見於鄭風。曰隰有荷華。見於陳風。曰

有蒲與荷。是荷之名為最古。爾雅釋草云。荷芙蕖。

又云。其華菡萏。其實蓮。吳陸璣云。荷芙蕖。其華未

發為菡萏。已發為芙蕖。於是荷一物而其名遂多。

按許慎說文。荷芙蕖。从草。何聲。宋陸佃埤雅又云。

荷總名也。華葉等名具衆義。故以不知為問。謂之荷也。俱未嘗質言荷之訓何。予以為荷之从何。是諧聲也。以具衆義而不知為問。是會意也。況三百篇經聖人手訂。魯論云。多識於鳥獸草木之名。是已為後世博物之宗。而荷之名。惟見於陳鄭二風。可知古人觸物命名。自具意義。則荷之為何。當屬正解。不嫌初論也。湯泉看罷御園纔。一月過餘。此甫開。南北暄寒有如此。遲滯君子意無猜。今

日見荷。率爾促成。自謂山莊之作。此為最佳。詠

荷二首。

乙卯

彌月臨池始詠荷。赤曦照以淡婆娑。水

中之物亦愁旱。何況山中黍與禾。體不風流意

似灰。乘時三兩漱芳開。譬如君子弗得志。豈免對

之致慨哉。按山莊引武列水為湖植荷。他處所

無也。荷雖水產。亦須雨澤。始能盛開。今年至旱。兩

旬之內。雨澤雖勻。塞中氣涼。尚非荷時。乃自前月

之杪。至今晴已半月。未得透雨。是以荷花亦遜往

年。荷以水中之物且然。其山田望澤可知。昨命此
間道府在左近查探。西自廣仁嶺至喀喇河屯一
帶。東北自二道河至郭果斯台。郭果忒。蒙古語野
非也。斯台。乃蒙古
即其地之謂。如呼魯斯台什巴爾台之類。其地多
產野韭。因以為名。土民訛謂之高高思臺。甚無義
味。今改從蒙古語書。及中關一帶。東南自僧帽峯
之此處本蒙古地也。至正東紅石欄及六溝八溝一帶。各得雨二三寸
不等。皆已接潤。惟此間十數里之內。於十三日得
陣雨一次。昔其未久。然草間露水已多。雖猶可待。

而較之四鄰未免抱慚。至荷花仍依往年成詩二首。但檐壁間歷年書已滿。祇餘一幅可書之地。今歲書畢。明年歸政。後來此亦可不必要再吟題矣。豈塞荷竟知將為獲麟絕筆而為此耶。故命董誥書歷年吟題之什於冊。並識跋語於後。款。乾隆六十年。歲次乙卯。季夏。臣董誥奉

勅敬書。鈐印二。臣誥

前副葉

御書。淨因尚德。

冊內分鈐

寶璽五福五代堂寶。八徵耄念之寶。重

太上皇帝。

五福五代堂古稀天子寶。避暑山莊。

太上皇帝之寶。

鑒藏寶璽。

五璽全。

寶笈三編。

董誥書

高宗純皇帝御製熱河文園獅子林圖詩并圖一卷

〔本幅〕宣紙本。縱七寸五分。橫五尺七寸五分。
前半幅楷書

御製熱河文園獅子林成因再仿倪瓚獅子林圖貯
清閔閣并疊御園做獅子林圖韻。甲子

御製再題所做倪瓚獅子林圖仍疊前韻。丙申

御製再題所做倪瓚獅子林圖仍疊前韻。己亥

御製題所做倪瓚獅子林圖三疊前韻。庚子

御製題所做倪瓚獅子林圖四疊前韻。辛丑詩前已恭載

款。臣董誥敬書。後半幅設色繪圖。款。臣董誥恭畫。分鈐印。臣誥重。

鑒藏寶璽。五璽全寶笈三編。

汪承霈畫柏樹一軸

本幅紙本。縱五尺七寸。橫二尺八寸。設色畫古柏一株。作壽字形。下襯雜花。湖石款。臣汪承霈恭繪。鈐印二。臣汪承霈恭畫。

高宗純皇帝御題行書

湖石邊旁古柏身。峙成壽字傍長春。嘉其用意新。非巧小雅如歌天。保人丁酉仲秋。御題。別裁巧。不涉纖新。題句七句。忽八句。慢向箇中較六法。可。

知柏本壽為身。庚戌仲夏御題。

軸內分鈐

寶璽

古稀天子之寶。猶日孜孜。八徵耄念之寶。一重自彊不
息。

五福五代堂古稀天子寶。避暑山莊。

鑒藏寶璽

全五璽

寶笈三編

汪承霈畫山水 一軸

本幅紙本縱五尺七寸。橫二尺八寸。青綠畫仙山樓閣。中一峯突兀高出。下有飛泉分派噴注。款臣汪承霈恭繪。鈐印二。臣汪承霈恭畫。

高宗純皇帝御題行書。

橫為嶺也。豎為峯。點畫其間。借老松不似。似中五福首。窗明几淨。伴清供。丁酉仲秋御題。書中畫。

復畫中書。邱壑翻為壽字如。試問千秋藝林者。獨
開生面孰同諸。庚戌仲夏御題。

軸內分鈐

寶璽

古稀天子之寶。猶日孜孜。八徵耄念之寶。重自彊不
怠。

五福五代堂古稀天子寶。避暑山莊。

鑒藏寶璽

全五璽

寶笈三編

關槐畫上塞錦林 一軸

本幅紙本。縱四尺五寸，橫二尺。設色畫崇山疊嶂，紅葉千林，爛若霞蔚。款：臣關槐恭繪。鈐印二：臣槐恭繪。

高宗純皇帝御題行書

木蘭

皇祖幸高年。繩

武而今勵佛肩。設以憲書論甲子，亶然中更益悽然。

進園崖口路從西。今歲迤西雨澤稽。以此林中
鹿遊少。尋思豈為獲禽兮。馬卿諫失詰。戎訓文
帝馳忘馭朽篇。執兩由來在斟酌。用中亦欲達經
權。隨獵諸藩舊與新。有宜左右日相親。思量致
此非容易。

祖德勤承告後人。壬寅八月秋。獨木蘭成雜詠四
首。因命關槐繪塞景。即書其上。御筆鈐寶二。
古稀天子之寶。猶日孜孜。

玉池

御書采絢神皋鈴寶一。

古稀天子之寶。

軸內分鈴

寶璽乾隆御覽之寶避暑山莊。

鑒藏寶璽。

金五璽。

寶笈三編。

關槐畫霜林秋色 一軸

本幅紙本。縱二尺七寸。橫一尺四寸五分。青
綠畫碧山紅樹。彌望如花。款。臣關槐恭繪。鈐
印二。臣槐。

高宗純皇帝御題行書。

疊嶂隆崇。欽且奇。丹黃萬樹。簇籠枝。或能策馬尋
幽耳。未可停車坐看之。錦繡雲過傳甫句。精神家
法自全師。如斯粉本全難得。知得木蘭扈蹕時。丁

未九秋上漸。御題鈴寶二。

古稀天子之寶。猶日孜孜。

玉池

御書澄秋舒錦鈴寶一。

五福五代堂古稀天子寶。

鑒藏寶璽。五璽全。寶笈三編。

張宗蒼畫千尺雪 一卷

本幅紙本。縱八寸八分。橫四尺五寸。水墨畫千尺雪。款乾隆癸酉孟春。臣張宗蒼奉

勅敬繪。鈐印二張宗蒼。

高宗純皇帝御題寒山千尺雪。

後隔水。

御題行書。

支硎一帶連寒山。山下出泉為寒泉。淙淙幽幽赴

溪壑跳珠濺玉多來源。土人區分稱各別。豈能一
一徵名詮。蘭椒策馬尋幽勝。山水與我果有緣。就
中宦光好事者。引泉千尺注之淵。泉飛千尺雪千
尺。小篆三字銘雲巒。名山子孫真不絕。安在捨宅
資福田。槃陀坐對清萬慮。得未曾有詩亦然。雪香
在梅色在水。其聲乃在虛無間。辛未春南巡。覽
寒山千尺雪之勝。即景成什。歸而仿其製於熱河。
及西苑盤山。各為圖四卷分藏之。宗蒼吳人。因命

寫寒山景。癸酉秋。駐山莊。展卷如歷舊遊。輒書前
詩以識數典。御筆。

後幅

御題行書。

寒山即是支硎山。趙凡夫始疏山泉。我昔憑觀愛
清泚。雲中曾未窮其源。隱人別墅茲一至。故蹟歷
歷間評論。乃知芙蓉注乳竇。千支萬派斯依緣。烟
崖水峽疊高下。瀉為飛瀑淙為淵。大珠小珠跳澗

谷。五出六出。紛林巖。四時恒此舞。滕六千尺幻。欲
生藍田雪乎。否乎。否雪乎。長笑人然我亦然。竭爾
題詩。竭爾去。淙淙響在依稀間。此今春南巡題
寒山千尺雪。疊辛未舊韻作也。頃來山莊重展諸
圖。因即書之寒山卷中。春秋代序。倏易寒涼。南北
殊方。何分遠近。此意當與造物者共證之耳。乾隆
丁丑秋八月。御筆。南峯東峯總寒山。山之佳以
多流泉。吳人疏剔。慣綴景。誰能一一分根源。設云

彼非此乃是。是謂執象求言詮。寒山別墅適小憩。
山鳥春花喜有緣。就中修篁為最美。个个玉節臨
冰淵。范家名園一牆隔。過門更不勞陟巖。各有所
長異眼界。總無些俗娛情田。聽雪之閣我予額。雪
聲雪色皆依然。更擬聚星一再疊。興寄非色非聲
間。壬午春南巡。憩寒山千尺雪。再疊舊韻。留題
閣中。仲秋自木蘭迴蹕山莊。適於泉上展開此卷。
覺錐峯硯岫即幻即真。因書卷後以證不可言同。

何況云異御筆

知者樂水仁樂山合妙撰斯惟

石泉。宦光若可起而問。應以是語為探源。拘墟彼
此執名象。乃舍實道循虛詮。澄懷之堂。暫憩息。餘
興幽逕。仍攀緣。曲欄扶者。宛熟路。澄潭注處。成深
淵。醲流雖無三千尺。同一雪色鋪岡巒。坐令亭臺
疑瑤圃。平看花木栽銀田。香聞菰濛不辨色。訝玉
光福望海然。聽雪有閣可虛擲。便當摘句於其間。
吳中千尺雪。至輒留題。今春臨憩。凡三疊前韻。

矣。泉聲雪色。不減曩時。而詩卷則增於昔。秋巡駐
山莊。展寒山卷。印證了然。無異聽雪閣中。賡吟脫
藁時也。仍視前例。書卷後。乙酉秋七月既望。御筆。
一十五載別寒山。重巡依舊臨山泉。泉聲山色
本如是。以何為委。何為源。澄懷胥可會。理趣觸目
無非契道詮。適來別墅暫遊憩。輕輿遂命曲徑緣。
至閣坐而聽昔雪。六花落峽為潭淵。聲非聲亦色
非色。但欣濕潤蒸巖巒。曲注肖之塞上塞。雄流圖

以田盤田。西苑畧葺勝朝蹟而皆視此鼻祖然。四
圖分弄於四處。興存得一函三間。今歲春巡至
吳門。復過千尺雪。四疊舊韻。山色泉聲不改疇昔。
而剎那頃已十五年。茲駐山莊。即泉上展卷閱之。
覺別墅宛然在目。而夏又入季矣。因書前作以識
歲時。庚子六月上澣御筆。吳中多水少者山。山
已佳。復加有泉。是謂合撰。乘最上。乘最上者真之
源。即今我來凡六度。無不長言其妙詮。然而其妙

豈易盡。永為萬古遊人緣。宦光別業固好在。屏以
秀嶂帶以淵。嫌淵自淵。嶂自嶂。聯為一氣。瀑落巖。
妙斯盡矣。觀宜止。欲泯尺宅與寸田。長韻五疊東
坡效。笑東坡遊此未然。題罷擲筆聽泐壁。付他蘿
蔓苔侵間。右今春至寒山千尺雪。五疊舊韻作。
茲復於山莊泉上閱是圖。即書之卷尾。一切異同。
真幻之見。正不必存爾。甲辰仲夏中澣御筆。

引首

御書源溯飛魚

卷內分鈐

寶璽乾隆御筆

太上皇帝之寶。避暑山莊。乾隆御覽之寶。

五福五代堂古稀天子寶。八徵耄念之寶。幾暇臨池。
幾暇怡情。得佳趣。乾隆宸翰。一重得象外意。筆花春
雨。乾隆萬有同春。

古稀天子之寶。一重猶日孜孜。一重意在筆先。即事多所

欣。心。清。聞。妙。香。入。眼。秋。光。盡。是。詩。懋。勤。殿。鑒。定。章。
陶。冶。性。靈。雲。霞。思。樂。意。寓。靜。觀。叢。雲。筆。端。造。化。

鑒藏寶璽

全五璽

寶笈三編

張宗蒼畫溪橋策杖 一軸

本幅紙本。縱四尺四寸。橫一尺六寸。設色畫。秋林水榭中。一人展卷坐。一叟自橋策杖來訪。款。臣張宗蒼恭寫。鈐印二。張宗蒼。

高宗純皇帝御題行書。

雲山足蘊藉。草木自長養。繚曲谷幾重。盤鬱松千丈。那容俗子來。除是高人訪。北窗展芸編。聊結羲皇想。策杖過溪橋。為愛書聲朗。甲戌夏御題。鈐寶。

四三希堂乾隆幾暇臨池

軸內分鈐

寶璽乾隆御覽之寶避暑山莊

鑒藏寶璽五璽寶笈三編

張宗蒼畫山水一軸

本幅紙本。縱五尺二寸。橫五尺五寸八分。設色畫湖山烟靄。漁艇中流。竹屋數間。芰荷秋老。款臣張宗蒼恭繪。鈐印二。張宗蒼。

高宗純皇帝御題行書

菰蒲際渚起蒼烟。泛漈鷗波載釣船。遼待一鉤新月上。湧金門外早秋天。壬申長夏御題鈐寶三落。紙雲烟。陶冶賴詩篇。乾隆宸翰。

軸內鈐

寶璽避暑山莊

鑒藏寶璽

全五璽

寶笈三編

張宗蒼畫山水一軸

本幅紙本。縱四尺五寸五分。橫二尺三寸五分。設色畫秋巖紅葉。飛瀑琤琮。一人拏舟載書。仰首而聽款。臣張宗蒼恭繪。鈐印二張。宗蒼。

高宗純皇帝御題行書

竭仿山樵荷葉皴。秋巖活脫見精神。展看六月不知暑。山水從來足靜因。觸目紛披立就詩。尚嫌

響鉢較來遲。益予領要沈酣處。在爾凝神結構時。
虛實相兼氣韻長。箇人筆法老而蒼。烟波深處
拏舟侶。祇合飄然芟製裳。乾隆壬申初伏御題。鈐
寶二。忘機心宇曠。乾隆宸翰。

軸內鈐

寶璽避暑山莊。

鑒藏寶璽。五璽寶笈三編。

金廷標負擔圖

一軸

本幅紙本。縱四尺六寸。橫一尺七寸五分。設色畫一樵子負擔。夜歸叩門。門內一婦持瓦燈出應。紅樹有聲。山月正上。款。臣金廷標恭繪。鈐印一。廷標。

高宗純皇帝御題行書。

負擔歸來獨叩門。家人秉燭啟黃昏。較諸貧見棄翁子。相敬高風有足論。乙未仲夏下澣御題鈐寶。

二。乾隆。

軸內鈐

寶璽乾隆御覽之寶。

鑒藏寶璽全五里寶笈三編

金廷標秋山行旅圖 一軸

本幅紙本。縱四尺三寸五分。橫二尺八寸三分。設色畫。一人騎驢上懸崖。回顧僕控兩驢。作桀驁狀。一騾車下坂。一僕控一鞭之車中。一人作惴惴恐墮狀。下三騎一飲而去。二方飲。僕執策立。一人引轆轤傾水。一人面井各狀。款。臣金廷標恭繪。鈐印一。廷標。

高宗純皇帝御題行書。

陡峽迴谿鼓怒波。兩峯中闕路嵯峨。上岡已費千
般力。下坂還愁一往過。旅客問程聊憩息。蹇驢飲
水得延俄。分明青石梁間景。不是親行解繪麼。丙
申季秋月下泮。御題鈴寶二。乾隆。

軸內分鈴

寶璽

古希天子。八徵耄念之寶。

太上皇帝之寶。乾隆御覽之寶。乾隆鑑賞。

鑒藏寶璽

金五

璽

寶笈三編

107

方琮畫秋山行旅 一軸

本幅紙本。縱五尺七寸五分。橫四尺七寸。設色。畫層巒聳翠。飛瀑懸崖。村店臨溪。行旅載路。款。臣方琮恭繪。鈐印二。臣琮。常存捧日心。

高宗純皇帝御題行書。

萬山稠疊紫芙蓉。客路深秋欲柏冬。兩字利名忘誰得。一時伴侶喜初逢。新筇笨麴村壚貰。納稼長腰水碓舂。翹首巖關迴天半。相於茅店且從容。壬

辰季秋下澣御題鈴寶二所寶惟賢乾隆御筆。

軸內分鈴

寶璽乾隆御覽之寶。乾隆鑑賞。

五福五代堂古稀天子寶。

鑒藏寶璽。

全五璽。

寶笈三編。

謝遂職貢圖 四卷

本幅宣紙本。四卷。第一卷。縱一尺五分。橫三丈八尺八寸。設色畫朝鮮國夷官至肅州金塔寺魯古慶等族回民。共圖六十款。臣謝遂恭畫。鈐印二。臣遂恭畫。後幅縱同前。橫六尺四寸。愛烏罕回人至景海頭目先綱洪。共圖十款。印同前。第二卷。縱同前。橫三丈六尺九寸。關東鄂倫綽至廣西省西隆州土人。共圖

六十一款印同前第三卷。縱同前。橫五丈五尺一寸。甘肅省河州土千戶韓玉麟等所轄撒喇族土民至四川省阜和營轄咱里番民共圖九十二款。臣謝遂恭繪印同前。第四卷。縱同前。橫五丈九寸五分。雲南省雲南等府黑羅羅至貴州省貴定都勻等處蠻人共圖七十八款。同第三卷。鈐印二。臣遂各圖分繪官目民人男婦狀貌服飾圖上各有清漢文。

標題識語

全載
職貢圖

刊本
皇清

高宗純皇帝御題職貢圖八韻清漢文楷書

累洽重熙四海春

皇清職貢萬方均。書文車軌誰能外。方趾圓顙莫
不親。那許防風仍後至。早聞干呂已成賓。塗山玉
帛千秋述。商室共球百祿臻。詎是索疆恢此日。亦
惟

謨烈賴

前人唐家右相堪依例。畫院名流命寫真。西鰈東鷁
觀王會。南蠻北狄秉元辰。丹青非為誇聲教。保泰
承

床慎拊循。乾隆二十有六年。歲在辛巳秋七月。御

題鈴寶二。乾隆御筆。惟精惟一。第一卷
幅首

後隔水

御識清漢文楷書。

乾隆二十八年癸未。愛烏罕汗遣使奉表入貢。其

霍罕及西哈薩克啟齊王蘇烏爾根齊諸部皆俘
來牽駒以獻。考愛烏罕距拔達克山尚三月餘程。
重四譯始達。餘亦去伊犁葉爾羌諸城數千里。纏
頭旗扇之飾。為前圖所未備。因敕補續幘末。以誌
遠服。昭來許。御識鈴寶二。乾隆。在愛烏罕回人至
烏爾根齊部哈雅

布所屬回
人五圖前

後幅

御識清漢文楷書

土爾扈特台吉渥巴錫與策伯克多爾濟舍楞等
聚謀。棄其舊居。俄羅斯之額濟勒游牧率屬歸順。
既先所請。命掄其長朝謁。至伊綿峪入覲。各賜冠
服。鞍馬。俾隨圍。仍攜之山莊宴賚。封爵有差。自此
四衛拉特無不隸我臣僕。而其舊俗。繒罽衣冠。與
準噶爾他部不類。並敕增繪以廣前圖。未及乾
隆辛卯季秋月。御識。在土爾扈特台吉至土
爾扈特民人三圖前
雲南邊外整欠土目召教。景海土目刁別於乾隆

三十四年。抒誠內向。請修貢職。念其地在僻遠。命
六年一貢。用示優恤。今年冬。其頭目賫象牙犀角
來獻。令與朝正班末。因繪其服飾。附於圖後。乾隆
乙未嘉平月。御識。在整欠頭目先邁岩第景
海頭目先綱洪二圖前

引首

御筆行楷書分題

蘿圖式廓。卷一卉服咸賓。卷二琛賫雲從。卷三梯航星集。

臣工恭和并跋

大學士臣劉統勲恭和

凡恭和詩俱載刊本今祇錄款印 鈐

印二統勲

協辦大學士尚書臣梁詩正恭

和鈐印二臣梁詩正補拙莫如勤以上第一卷幅尾

尚書臣劉綸恭和鈐印二臣綸左都御史

金德瑛恭和鈐印二臣金德瑛珥筆承恩以上

第二卷幅首 侍郎臣董邦達恭和鈐印二臣邦

達印染翰 侍郎臣裘曰修恭和鈐印二裘

曰修敬書

以上第二卷幅尾

侍郎臣于敏中恭和

鈐印二臣敏中敬書

侍郎臣介福恭和鈐

印二臣介福載筆西清

以上第三卷幅首

侍郎臣

觀保恭和鈐印二臣觀保

侍郎臣王際華

恭和鈐印二臣際華

以上第三卷幅尾

侍郎臣錢

汝誠恭和鈐印二臣錢汝誠敬書

侍郎臣

錢維城恭和鈐印二臣錢維城筆沾春雨

以上

第四卷幅首

大學士公臣傅恒大學士臣來保

臣劉統勲協辦大學士尚書公臣兆惠尚書
公臣阿里衮尚書侯臣富德尚書臣劉綸都
統侍郎臣納延泰侍郎臣于敏中恭跋鈐印
一臣敬書全文載刊本以上第四卷幅尾

卷內分鈐

寶璽乾隆御筆五重

五福五代堂古稀天子寶三重八徵耄念之寶三重避暑

山莊五重

太上皇帝之寶。_{一重}取益在廣求。筆花春雨。_{二重}筆端造

化。_{一重}研露。天地為師。_{二重}寓意于物。煙雲舒卷。寫心。

{一重}吟詠。春風裏。繪月有色。水有聲。几席有餘香。{一重}

化工四氣為全施。_{一重}用筆在心。_{二重}萬有同春。_{一重}漱

芳潤。涵虛朗鑑。_{一重}成性存存。叢雲。_{一重}即事多所欣。

{一重}水月兩澈明。{一重}入眼秋光盡。是詩莊敬日強。潑

墨幾暇。臨池落紙。雲烟。_{一重}中和秀色入窗虛。_{一重}修

辭立誠。

鑒藏寶圖

全五

寶笈三編

四卷

皇清

謹案是圖見第一卷朝鮮國夷官至肅州金

塔寺魯古慶等族回民即刊本卷一魯卡補

也惟巴勒布大頭人並從人國列於魯卡

札番人後伊犁等處台吉爺而刊本標卷九

為續圖列巴勒布大頭人於景海頭目先網

洪後畫卷內題識云巴勒布大頭人並從人

即廓爾喀巴勒布為厄訥特可克痕都斯坦

之別部在後藏之西至京師將二萬里其地

舊有四部落一名賚爾喀布一卡木一乾隆五

凌一名木為今潤爾喀王始併為一乾隆五

十四年遣大頭人巴拉以都爾喀哇斯哈哩

觀其俗

奉佛教。人以紅帛纏頭。衣以錦為之。額間塗

特命福

詔宥其
封以王

香國徑寸詔以致誠執有碑城居屋與內地
相似多稻田產珊瑚松石金銀徽皮等物人
輕工巧多有在藏地貿易匠役者其從人以
紫布頭衣褐紅白間遮腰束綠帶常手執
水烟袋以待其頭人又案刊本云巴勒布大
頭人巴勒布在西南徼外極邊與衛藏連
鼎原分三部落為廓爾喀部落酋長奪據
自為雄長乾隆五十年因與唐古忒人貿易
易購器仗復授衛藏邊境尋經官兵進討六
內陽未幾復授至札倫布處七戰七勝其
康安暫兵征剿攻克檄木等處七戰七勝其
苗面縛乞降遣陪臣奉表進京
罪自後頗知恭順其頭人服紅褐以帛圍領
爵自後頗知恭順其頭人服紅褐以帛圍領
冠屨皆尚如此與畫卷識語多不同者畫卷
圖於人

觀之始

以地相次附於魯卡補札後刊本誌其復授
至札什倫布時官兵征勦乞降遣陪臣奉表
進高以歸附之年相次附於景海頭先網
洪後也第一卷九幅愛烏罕回人至景海頭
目均見刊本卷九第二卷見刊本卷三卷四
第三卷八序次識語均同第六卷第四卷見刊本
七卷八鄂羅斯衛藏阿里喀木安巴
藏阿爾喀木補魯克巴巴作布喀木密尼雅克
作們巴堪卡補穆作巴噶布密尼雅克
密納克魯卡補札魯康布札伊犂塔爾奇
查汗烏蘇作伊犂塔勒奇察罕烏蘇布魯特
作布魯特拔達山拔達克山哈什爾作
喀什噶爾魯古慶作魯克察克皮禪作
左軸作兩魯又應作嶺岷州土百戶后發所
巔等社熟番廬應作嶺岷州土百戶后發所

輅牟家山堡等土人應作阜和營轄德爾卓格
特番民順寧府蒲人應作順寧等府蒲人曲
靖等府苗人前多雲南省三字楚雄等府
蘇蜜識語俗以牛馬占晴雨牛馬作牛毛姚
安等府嫫且蠻應作姚安府嫫且蠻永昌府
西南界綜人識語鉛錫為丸應作鉛錫為瓦
永豐州等處猿苗識語猺苗本廣西潯城土
府所屬洄城應作泗城清平縣九股苗識語
明史改為凱里安撫司刊本脫落建城安
訛應作建城安撫遠州披袍乾物鍋圓乾
物乾作俱應作乾貴州黔西等處木燒木
燒乾作同荔波縣與剪髮乾妣同應作與剪
髮乾同荔波縣與剪髮乾妣同應作與剪
祀樂舢俱應作樂舢俱應作樂舢俱應作樂舢
樂舢俱應作樂舢俱應作樂舢俱應作樂舢

無名氏畫獵犬一冊

本幅十對幅。右絹本。皆縱一尺一寸七分。橫七寸三分。設色畫。獵犬各種。無款印。左紙本。縱橫同前。行書。唐武德中。高昌王文泰獻狗雄雌各一。高六寸。長尺餘。性甚慧。能曳馬銜燭。云本出拂菻國。中國有拂菻狗。自此始也。陳邦彥書。鈐印三。春暉堂。陳邦彥印。世南。二。唐伯剛云。北方凡皂鵬作巢。所在官司必

令人窮巢探卵多寡。若三枚必置罝以守之。及其出。乃狗也。取而飼養之。長則獻於朝廷。與常狗無異。但耳上多羽毛耳。田獵之際。鵬則上飛。狗則陸行。所逐同至。名曰鷹背狗。右錄東園客譚一則。南湖儀鈴印三。教忠堂勵廷儀印。南湖三。伊鷹隼之不制兮。呵犬豹以相纏。感乾坤之翕習兮。望麋鹿而飄然。由是天狗捷來。發自於左。頓六軍之蒼皇兮。劈萬

馬而超過少陵天狗賦王圖炳鈴印三寶訓
堂王圖炳印磨照氏四頻伸而振迅者應龍
之騰擲爪類刀戈牙如交戟聞林獸之羣爭
歟斷鑠而齧石逆風長厲野禽是覓鼻竅微
香眼裁輕跡盼矚而奮怒揮霍而振閱右節
錄狗賦薄海鈴印三雁羽薄海印圖南氏五
郭璞山經訝莫聞凌波逸足獨超羣一春上
苑眠紅雨萬里仙山吠白雲不向劉家舐鼎

去笑他宋產練香薰。雙雙野鴨飛難脫。鏡面
平江。麝碧紋。淞南張照題鈴印。三一莊水竹。
名余曰照。張氏得天。六輕迅者莫如鷹。敏捷
者莫如虎。惟良犬之稟性。兼二雋之勁武。應
天人之景暉。順儀象而近處。憑水木之和氣。
鍊金精以自輔。統黔喙於秋方。居太素之內
寓。諒韓盧其不抗。豈晉葵之能禦。節錄傳休
奕走犬賦。戊戌正月。蔣廷錫鈴印二。蔣廷錫

印西谷。七陵岡。越壑橫山超谷原。無遁鬼林。
無隱鹿。顧並隰以嬉遊。兮步蘭皋而騁足。然
後娛志苑囿。逍遙中路。屬精菜以待蹤。逐
郭之狡兔。既洋洋以衍衍。逞妙觀於永路。既
迅捷其無前。又閒暇而有度。節錄傳休奕走
狗賦。桐山張廷玉。鈐印三傳經堂。張廷玉印
衡臣。公希代來貢。作珍皇家骨相多奇。儀表
可嘉。足懸鈎爪。口含素牙。首類驤螭。尾如騰

蛇。修頸潤腋。廣前捎後。豐顙促耳。長叉緩口。
舒節急筋。豹耳龍形。蹄如結鈴。五魚體成。勢
若陵青雲。目若泉中星。轉視流光。朱曜赤精。
右節錄走狗賦。靜海勵廷儀。鈴印三教忠堂。
勵廷儀印。令式九守則有威。出則有獲。韓盧
宋鵲。書名竹帛。右張儼賦犬。戊戌三月。王圖
炳。鈴印三寶訓堂。王圖炳印。磨照氏。犬。狗
之有懸蹄者也。孔子曰。視犬之字如畫狗也。

尨。犬多毛也。獨短喙犬也。獠。犬吠不止也。獒。犬如人心可使也。狡。少狗也。巨口而黑身。獬。獬南越名犬也。獠。韓良犬也。狔。宋良犬也。狔。逐虎犬也。說文一則陳邦彥鈐印三。春暉堂。陳邦彥印。世昌。

鑒藏寶璽
全五璽
寶笈三編

梁詩正蔣溥唱和塞外賡歌詩 一冊

本幅紙本十二對幅皆縱四寸三分橫三寸
八分行書空山止頓更伊那日日氍毹負紫
駝重幕霜華侵自少小窻月色受偏多長從
舊雨聯床榻每向寒烟伴薜蘿塞上淒其憑
障護此身等是燕巢窩右體力勝千鈞說素
駝行行銜尾壓裝多峰懸似髻指高架蹄軟
如綿印淺坡磧上風霜原習慣雲中鈴棧早

經過前程在在多沮洳負重休教誤跌蹉

右

裝如掌岡原足疾馳忽來今日繫維思九方

歎未容輕試千里材空說不羈詎是鹽車甘

短楫祇防逸足下危陂世間何處無牽絆

盡長途不自知

右馬絆

萬幕竿旌目眩搖高低

漠野閃晴霄健兒突騎爭先豎征客長川取

次招赤白不妨參趙幟是非休誤認顏標劇

憐雨濕風摧裏也伴邊程數十宵

右風旗

無端

作雨塞山頭。地占高低各自愁。列校誰矜衣
是瓦。千廬互學塹為溝。彎環近抱蜂窩勢。左
右遙分之字流。防患未然差免患。嬾夫翻笑
過綢繆。右雨溝聞道長裾不利趨。況隨團獵歷
川途。衣襟取便無過膝。毳褐從宜却稱軀。爭
喜跨鞍輕獵犬。不憂舉步礙榛蕪。書生自笑
從戎馬。學製征袍與衆俱。右征袍依山列幔隨
疎密。因地為爐各淺深。穿穴不須金合范。拾

新端可溉烹飪升烟遙結千廬白移壘空存
萬突黔漫識兵家增減法風餐露爨且從今

右地

橐弓誰復裹糧來買賣街頭衆響應負

擔不辭千里越列廛爭似五都開西風腥度
牛羊味荒磧香輸酒食材百貨居奇求倍直
償他辛苦滿羸回

右市

幔屋周遭散似雲令

嚴刁斗靜塵氛扼吭要隘宵晨警排翼平岡
左右分失馬幾曾聞塞老棄繻那許走終軍

衝寒列校輪巡歷待撤行營要策熟右設徑

寸員規剖太初西洋巧製詎能如四時應暑

符周鼎八位分隔準洛書玉埒不迷空濶向

金針憑驗杪分餘尤宜漠野征塵裏開匣從

教一起予右銅局取象於規內有二面一驗十二辰一定南北東西所向蓋殊

累不瞻彼祁祁自友羣廣場親射

帝威申爭馱上殺馳諸部榮荷分嘗遠五人每次賜

鹿大學士臣陳世倌尚書臣海望臣饜足行

班第侍郎臣

蔣溥與

臣

共分一隻

將資宿飽脯成歸及餽比鄰只愁藜莧生平
慣驟進肥鮮儉腹嗔右分鹿合圍纔罷又哦詩

翠壁丹楓

聖藻披千里塞垣遭有幸幾人巴曲調容追揮毫馬

上應誰羨行篋胸中祇自知競病多慙從強
押敢希明鏡混妍媸右和詩款臣梁詩正鈐印

二臣詩正染翰日近

皇居頌有那載將毳帳又封駝歡顏廣厦安排易高

枕吾廬比較多。塞地即今堪禦雪。江鄉憶昔

各牽蘿。自緣身荷

幘幘德

安樂還教暖作窩

右德廬

屢裝一一送明駝。道

遠偏能負載多。三節沙翻頻認磧。雙峯雲掩

怡臨坡。無煩取酒郵間遞

李商隱句取酒一峯駝

却喜

擔書塞外過。要識辛勤聽鳴圓。行程又到日

方蹉

右蹉

由來神駿似雲馳。絆足方舍萬里

思。落索非關添寶塚。牢籠豈是繫金羈。霜寒

暫駐丹楓嶺天迴長嘶白草陂料是騰驤心

皎皎永朝維繫爾能知

右馬

千屯野帳晚風

搖各色旗分映碧霄策馬倦來看最喜行人

到此若為招疑投社酒山前店渾列雲帆海

上標待得月明光似晝萬枝燈火勝元宵

右

旗

塞雲容易釀峯頭寢幕應生此夜愁密迺

底須通複塹周防先與作迴溝幾灣忽覩田

間畝一曲微聽枕上流任使淋漓無苦濕只

緣至計預綢繆

右雨溝

裁剪應緣利步趨秋晴

千里事長塗毳衣曳處從翻樣金粟量來未

滿軀已稱西風吹短袂還宜匹馬驟平蕪即

看校獵天山近豈慮朝寒玉霰俱

右征衣

霜淨

不煩除宿莽行廚天外帶雲深依山得勢初

排幕鑿地成窪已溉鬻萬竈烟清臨塞紫一

時風暖散烏黔可知士馬歡騰飽昨歲新芻

積至今

右地竈

百貨秋隨綵仗來旋營小市語

喧騰成都成邑輸琛速依水依山列肆開萬
寶初登占大有

六龍遙駐聚羣材奚童笑指街南北落日頻擔酒食

回右安市秋高圍合勢如雲禮用三驅靖野氣

伏道森森霜騎轉環山厯厯繡旗分碧天但
覺無飛鳥紫氣遙知是禁軍獵罷從臣齊獻

壽嵩呼神武策前勲

右設卡

指南圭景巧於初雙壁擎

看日月如四匝銘辭同漢鑑八方卦位即羲

書算通矩黍因相合。目竭離婁信有餘。識得
塞程并早暮。銅儀雖小不愁予。右銅濯濯何
如文囿羣。收諸湯網。

德咸申一脊榮及嘗山脯。疊中傳來拜。

聖人燕樂正須歌。旨酒清詞況是接芳鄰。未應方法
燔偏誤。塵尾譚邊雜喜噴。右分塞垣秋物赴

新詩。

行殿霞箋五色披。自顧庸才方步却。重懷鈞奏

欲心追

奎章炳蔚雲霄迴

僊句流傳侍從知陪乘鄒枚應不乏祇慚嫫姆忘顏

嫫右和款臣蔣溥鈴印二臣溥臣梁詩正

臣蔣溥蒙

恩隨侍

行圍親睹我

皇上宸章日灑

文德覃敷式昭來許臣等因於作歌紀

盛之餘謹擬新題即推廣

御製禮廬一章之義用原韻恭和并揣及從前扈從
儒臣歌詠所未備者迭唱互酬各得七言律
詩十二首用誌麻美繕寫如右恭呈

睿訓

冊內分鈐

高宗純皇帝寶璽乾隆御覽之寶

重

鑒藏寶璽

全五

寶笈三編

于敏中書

高宗純皇帝御製避暑山莊三十六景詩方琮繪圖

一冊

本幅紙本。推蓬裝三十六對幅皆縱三寸二分橫四寸七分。上幅行楷書。

御製避暑山莊三十六景詩

詩見續編款

臣于敏中敬書

鈐印二。臣敏中敬書下幅設色畫。烟波致爽二。芝徑雲隄三。無暑清涼四。延薰山館五。

水芳巖秀六萬壑松風七松鶴清越八雲山
勝地九四面雲山十北枕雙峯十一西嶺晨
霞十二鍾峯落照十三南山積雪十四梨花
伴月十五曲水荷香十六風泉清聽十七濠
濮間想十八天宇咸暢十九暖溜暄波二十
泉源石壁二十一青楓綠嶼二十二鶯囀喬
木二十三香遠益清二十四金蓮映日二十
五遠近泉聲二十六雲帆月舫二十七芳渚

臨流二十八雲容水態二十九。澄泉繞石三十。澄波疊翠三十一。石磯觀魚三十二。鏡水雲岑三十三。雙湖夾鏡三十四。長虹飲練三十五。莆田叢樾三十六。水流雲在款臣方琮恭繪。鈐印一琮。

冊內分鈐

寶璽避暑山莊乾隆御覽之寶。

鑒藏寶璽

全五璽

寶笈三編

者可能知是傲漢蓮。辛亥六月。御題。元汴以文
字唐畫合裝成卷。而作小景於後。其自命亦復不
小。余題此圖。意各有屬。因於前後兩幀分書之。并
識梗概於此。文彭此書。雖放浪形骸之外。却是
名跡。採蓮曲。始壽承藏。繼得為圖。伯虎唐技。瘡
不禁項元汴。卒成三絕。各爭強。與唐幀同時題。御
筆。

卷內分鈐

寶璽乾隆御覽之寶避暑山莊乾隆鑑賞乾隆會心
不遠德充符幾暇怡情得佳趣

古希天子二重猶日孜孜五福五代堂寶八徵耄念之
寶

太上皇帝之寶八徵耄念自彊不息

鑑藏寶璽五重寶笈三編

收傳印記樵李項氏士家寶玩天籟閣一重桃
里神游心賞一重項墨林鑑賞法書名畫神品

子京三重寄教二重墨林父項元汴印一重子京父

印一重項叔子此印下有退密墨林山人一重項

墨林鑑賞章子孫世昌項子京家珍藏一重項

墨林父祕笈之印一重子京所藏虛朗齋子京

父蒼巖子蕉林蕉林收藏宮保世家一重臣宗

萬一重衣園珍藏一重教忠堂藏子孫寶之滋大

二重宗萬衣園審定衣園居士雙清閣書畫章

宗萬私印游方之外

